



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CLVII. Entscheidung eines Streites mehrer Erspectivirter über ihre
Anciennität zum Eintritte in das Domstift, vom 12. Sept. 1354.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

CLVI. Markgraf Ludwig der Römer bestätigt das Domstift Stendal in seinen Bestuhungen und Rechten, am 6. Sept. 1354.

— nos Ludowicus Romanus, dei gratia Marchio Brandenburgensis et Lusatie —
 Ex certa scientia, omnes donationes gratias libertates litteras et privilegia omnia et singula, Honorabilibus viris . . . preposito . . . Decano Capitulo et Ecclesie collegiate sancti Nycolai in Stendal, indultas et indulta, ab Illustribus principibus Marchionibus Brandenburgensibus predecessoribus nostris dive recordationis, et precipue a fratre nostro karissimo, domino Ludowico seniore, Ratificamus approbamus et tenore presentis littere confirmamus. Volentes eos et ea in sui roboris firmitate jugiter permanere. Mandamus igitur omnibus officialibus nostris et terre equitatoribus, nostre gratie firmiter suboptentu, ut nullus eorum presentium, seu qui pro tempore fuerint, contra presentem nostram confirmationem venire debeat, audeat aliquid aut presumat. Si quis vero vel qui ausu temerario, contra ipsam presentem nostram confirmationem venirent, clam vel aperte, ipsis injuriam inferendo, et si hunc vel hos ad forum ecclesiasticum, pro illa injuria in iudicium traxerint, et eis antea requisiti ordinare de illa injuria non poterimus iustitiam vel amorem, tunc contra injuriatores eorum, ordine juris ecclesiastico procedendo agere poterunt licite, de nostra sententia speciali. In cujus rei etc. Presentibus nobili viro Ottone went domino in Ileburgh, strennisque viris Petro de Breidow, Johanne de Wantsleven, Buffone de Arxsleven, Gumperto de Aldenhufen, Johanne pincerna de Vlechtingen, militibus, Henrico de Schulenborch et Nycolao Bismark, cum ceteris pluribus fide dignis. Datum Stendal, Anno domini Millesimo Tricentesimo Quinquagesimo quarto, feria sexta ante festum Nativitatis beate Marie virginis gloriose.

CLVII. Entscheidung eines Streites mehrerer Respectivirter über ihre Anciennität zum Eintritte in das Domstift, vom 12. Sept. 1354.

— Nos Conradus, dei gracia . . . prepositus, Johannes decanus Totumque Stendalensis Ecclesie Capitulum recognoscimus, — Quod suborta quadam dissensione in Ecclesia nostra inter quosdam nostros Concanonicos, videlicet dominum Conradum de Luderitz nec non Johannem marscalecum filium quondam Bartoldi marscalci militis ac quorundam eorum sequaces, quis ipsorum ad quandam prebendam, que dicitur ianuararia, per quam ascenditur ad medias, esset alteri secundum gradum sue receptionis in canonicum preferendus. Super qua contentione pluribus habitis capitularibus tractatibus, tandem partes ipse prehabitis deliberacionibus sponte et voluntarie vna cum dominis de nostro Capitulo in nos . . . prepositum . . . decanum, Conradum de buch prepositum in Sehufen et Johannem de Rokitz concanonicos nostros compromiserunt ita, quod quicquid per nos super premissis contencionibus seu erroribus declarabimus, statuemus et ordinabimus partes ipse vna cum suis sequacibus gratum et ratum perpetuo obseruabunt. Nos vero nobiscum et cum aliis prehabito consilio diligenti secundum deum et iusticiam ac consuetudinem Ecclesie nostre antiquitus obseruatam et prescriptam ad disbrigandum errorem supradictum declaramus statuimus et ordinamus dominum Conradum de Luderitz predictum ad prefatam prebendam ianuariariam secundum gradum sue receptionis in canonicum fore preferendum, post ipsum vero dominum Johannem de Monasterio, Tercio Johannem Marscalci prelibatum, Quarto dominum albertum de buzt, Quinto dominum Bernardum de

Seulenborch, prout hec omnia et singula in antiquis instrumentis super ipsorum receptionibus confectis cum summa diligencia recensitis inuenimus lucidius declarata. Datum anno domini M^o. CCC^o. L^{mo}. quarto, feria quinta proxima post festum natiuitatis sancte marie virginis, nostri Capituli sub sigillo in premifforum testimonium subappenso.

CLVIII. Der Dechant von Boyster citirt den Archidiaconus der Kapelle zu Hildagesburg vor sein Gericht, am 22. Decbr. 1357.

Rudolfus, dei gratia Decanus Ecclesie in Boyster, Judex et Conseruator honorabilium virorum dominorum decani et Capituli Ecclesie beati Nicolai in Stendal, Halberstadenſis diocesis, ab honorabili viro domino Gherardo dicto Rauen, Cantore Ecclesie Zwerinenſis, Judice et Conseruatore dictis decano et Capitulo ecclesie Stendaliensſis predictae, a sede apostolica deputato subdelegatus, discreto viro Rectori Ecclesie in Schinne halberstadenſis diocesis Salutem in domino et mandatis apostolicis firmiter obedire. Noueritis nos litteras domini Gherardi Cantoris ecclesie Zwerinenſis predicti — recepisse in hec verba: Gherardus, Cantor ecclesie Zwerinenſis, Judex et Conseruator honorabilium virorum decani et Capituli ecclesie beati Nicolai in Stendal — honorabili viro decano in Boyster — Constitutus in nostra presentia procurator honorabilium virorum dominorum decani et Capituli Ecclesie Stendaliensſis halberstadenſis diocesis, immediate Ecclesie Romane subiecte, nobis est conquestus, quod a X. XX. XXX. XL. L. LX. ymo Centum et octoginta annis circa et ultra Cappella in hillungesborch pertinuerit et pertinere consueuerit ad ecclesiam predictam Stendaliensſem, ita quod per tempora et pro tempore prelibata quicumque electus in decanum ibidem consueuit prefatam Cappellam tenere possidere et in possessione habere — necnon elemosinas fidelium in specialibus festis anni ibidem libatas colligere percipere ac in vsus suos et Ecclesie Stendaliensſis prelibate cum omni libertate conuertere, tamquam exemptam ab omni legis et jurisdictionis dyocesane potestate, vna cum ecclesia parrochiali in Ellebu, a qua dependere dinoscitur Capella supradicta. — Tamen honorabilis vir dominus Gherlacus de honuels, predicti loci Archidiaconus, in quo predicta Cappella est constituta, — eidem Ecclesie Stendaliensſis decano et Capitulo molestias, inquietationes, offensas et injurias ymo vim inferens turbatam, quinque claues dicte Capelle rapiendo, Cappellam claudendo, ne ibidem elemosine fidelium offerantur impediendo, nullam causam rationabilem pretendens, ymo pronone spiritu erroris imbutus procurando ab honorabili viro domino officiali curie Magdeburg, fructus elemosinarum fidelium christianorum ibidem libatarum arrestari, in non modicum prejudicium priuilegiorum ac libertatum Ecclesie Stend. memorate, Petens a nobis humiliter et deuote super predictis notoriis factis probationes recipi ac ipsis receptis, prefatum dominum Gherlacum archidiaconum vt a prefatis insultibus injuriis et molestationibus se abstineat et conpescat coherceri censura ecclesiastica mediante. — Qua propter vobis mandamus — quatinus dictum dominum Gherlacum de honuels archidiaconum, accedentes, vbi propter hoc fuerit accedendum et peremptorie eundem citetis — vt feria sexta proxima post diem beate prisce virginis in opido Sehufen uerdenſis diocesis compareat coram nobis, ad audiendum probationes testimonia et cetera super premisso notorio facto et juribus ecclesie Stendaliensſis prelibate. — Datum boyster, Anno domini M^o. CCC^o. L. septimo, In crastino beati Thome apostoli gloriosi.